

• 王雲五主編 •

人人文庫

特

號

# 忠王李秀成年譜

樂炳南著

臺灣商務印書館印行

樂炳南著

忠王李秀成年譜

臺灣商務印書館發行

## 編印人人文庫序

余弱冠始授英文，爲謀教學相長，並滿足讀書慾，輒廣購英文出版物。彼時英國有所謂人人叢書 *Everyman's Library* 者，刊行迄今將及百年，括有子目約及千種，價廉而內容豐富，所收以古典爲主，間亦參入新著。就內容與售價之比，較一般出版物所減過半。其能如是，則以字較小，行較密，且由於古典作品得免對著作人之報酬，所減成本亦多。

余自中年始，從事出版事業，迄今四十餘年，中斷不逾十載。在大陸時爲商務印書館輯印各種叢書，多厲廉售之意，如萬有文庫一二集，叢書集成初編以及國學基本叢書等，其尤著者也。民五十三年重主商務印書館，先後輯印萬有文庫叢要，叢書集成簡編，漢譯世界名著甲編等，一本斯旨。惟以整套發售，固有利於圖書館與藏書家，未必盡適於青年學子也。

幾經考慮，乃略仿英國人人叢書之制，編爲人人文庫，陸續印行，分冊發售，定價特廉，與人人叢書相若；讀者對象，以青年爲主，則與前述叢書略異。本文庫版本爲四十開，以新五號字排印，與人人叢書略同；每冊定價一律，若干萬字以下，或相等篇幅者爲單冊，占一號；超過若干萬字或相等篇幅者爲複冊，占二號，皆依

出版先後編次。每號實價新臺幣八元，一改我國零售圖書向例，概不折扣。惟實行以來，發見間以萬數千字之差，售價即加倍，頗欠公允。研討再四，決改定售價，單號仍爲八元，雙號則減爲十二元，俾相差不過鉅。又爲鼓勵多購多讀，凡一次購滿五冊者加贈一單冊，悉聽購者自選。區區之意，亦欲藉此而一新書業風氣，並使購讀者得較優之實惠而已。

抑今後重印大陸版各書，除別有歸屬，或不盡適於青年閱讀者外，當盡量編入本文庫。同時本文庫亦儘可能搜羅當代海內外新著，期對舊版重印者維持相當比例。果能如願，則本文庫殆合英國人人叢書與家庭大學叢書 Home University Library 而一之也。

數年之間，取材方面，時有極合本文庫性質，徒以篇幅過多，不得不割愛者，因自五十八年七月起新增特號一種，售價定爲二十元，俾本文庫範圍益廣，而仍保持定價一律之原則。惟半年以來，紙價工價均大漲，祇得將特號面數酌予調整。凡初版新書，每冊在二百一十面至三百面者，或景印舊版，每冊在三百一十面至五百面者，均列入特號，事出不獲已，當爲讀書界所共諒也。

中華民國五十九年一月五日王雲五識

# 忠王李秀成年譜

## 序言

洪秀全以匹夫起兵，創建太平天國，奄有中國之半壁，垂十餘年。史家許爲民族革命，雖光復之功未竟，然民族意識，于焉喚起，而中山先生共和建國之理想，實淵源于斯時，是其事之重要，蓋可以見矣！民國以來，太平史家輩出，其著作相繼問世者，彷彿雨後春筍。然其中有關太平天國後期「擎天一柱」之忠王李秀成之事蹟，則鮮有專著。夫洪秀全之初起，其下之傑出者，當推東王楊秀清，南王馮雲山，西王蕭朝貴，北王韋昌輝，翼王石達開，時號曰五王。既而馮、蕭戰死于湖南，楊、韋內訌於金陵，石達開胸懷大志，別樹一幟，于是五王俱盡。自古偉人豪傑，其進退出處之間，天亦若有以靳之，必待機會成熟，持滿而發，殆所謂「時勢造英雄」歟？于是乎若忠王李秀成，乃得穎脫而出。秀成起于卒伍，位次微末，而機智明敏，刻苦勤勞，長于用兵，膽氣絕倫，其「圍抗救京」，「進北攻南」之計，僅其謀略之大者。故洪氏末葉得以揚餘燼，延殘喘，使曾、左、李、彭等費盡心力，疲于奔命，越六七載始克「窮天下力，復此金湯」，悉以秀成之故；而洪氏之倚爲柱石者，亦僅秀成一人而已。秀成既智勇絕人，且有大度，仁愛馭下

：能得士心，故每于危急存亡之際，其下恒能樂爲之用。金陵城破之日，全城上下，危在旦夕，猶能驅役健兒千數百人，突圍出戰，幾覆敵師，五月十五與六月十五之役，曾軍之不亡，天也！及城既陷，復能以愛馬救幼主，忠君愛國之志，雖古之大臣名將，何以加焉？至其禮葬王有齡，優恤敗將降卒，遍施德政，仁民愛物，是儼然爲一仁道主義者之行也。當秀成之去蘇州也，蘇城之民，男女老幼，莫不流涕。其尤足感人者，金陵城陷，城中數萬人，無一降者。以視田橫之五百壯士，其志同，其事同，而魄力之大，又百倍之矣！使以秀成而處洪氏之地位，「非僅攻城略地，且早治地安民，劃江而治，南北對峙，延國祚于一時，挽大局于垂危！亦非不可能也！」（薛福成語）且洪氏之敗，敗于其一己之愚昧，及其親族之貪求，以一忠王立于羣小之中，此真所謂「一木焉能支大廈」。吾故曰，斯人也，豪傑之士也，洪氏之敗，非其罪也。余心儀其人其事者久矣！茲謹譜其生平，以求此一人物，得傳之于後世耳。

是譜之作，概以原手史料及同時人之研究有得者爲本，其間蒐集編輯，頗費時日，祇以編者初習譜錄之學，雖孜孜不懈，朝夕勤閱，然學淺識陋，甄別爲難，文冗事繁，缺略良多。尚望于吾先進師友，有以教正之也。

## 年譜

清宣宗道光三年癸未 太平天國起義前二十八年一歲  
西元一八一三年

李秀成生于廣西梧州府藤縣寧風鄉五十七都長恭里新旺村。

按秀成生年據羅爾綱「忠王李秀成自傳原稿箋證」（以下簡稱「自傳箋證」）云：『太平天國甲子十四年（公元一八六四年，即清同治三年）天京城破，忠王被俘後，曾國荃的幕僚趙烈文（惠甫）去見他，忠王自述年四十二歲（見趙烈文「能靜居士日記」同治三年六月二十日日記）。案廣西人計算年歲的習慣，以出生那一年即作爲一歲，據此逆推之，知秀成生于清道光三年，即公元一八二三年』，另據郭廷以「太平天國史事日誌」（以下簡稱「郭誌」）云：『忠王李秀成供狀寫畢，曾國藩殺之於南京，年四十歲。』郭氏未註出處故不知何所據云。上從羅說，蓋以其有所本耳！

「李秀成親供手跡」（以下簡稱「親供」）云：『自幼生在廣西梧州府藤縣寧風鄉五十七都

長恭里新旺村人氏」。藤縣據潯江下游，下連蒼梧山地，上接平南平原，沿江崗巒起伏，少平地，隨在皆可扼險固守，與蒼梧山地，同爲桂省東部咽喉。若有戰事，藤梧山地不能守，則白馬以西，爲廣濶浸蝕平原，無險可憑，平南江口，亦將不可守矣（見「廣西新志」藤縣概況七關隘），該地民風淳樸敦厚，生活刻苦勤儉，秀成日後之能奉命于危難之際，冒險犯難，艱苦支持，仁愛馭下，寬厚待人，使洪氏得以揚餘燼，延殘喘者六七年，實其幼年生活環境及育之所致也，寧風鄉屬大黎，位于縣之西北，爲通永安必經之道（見「廣西通志」輯要卷十梧州府志附藤縣）。故太平軍之欲下永安，必先取藤縣，然後通大黎，經五屯所西北行百四十里始入永安，是秀成之能適時加入革命行列，亦地勢使然也。

父李世高，母陸氏，弟李明成。

「親供」云：「父李世高，獨生李秀成弟李明成二人，家母陸氏」。

秀成李姓，初名以文，後由天王洪秀全賜改今名秀成。

「親供」云：「我在家書名號爲以文，天王用我，自封忠王之時，其改我號爲李秀成」。考秀成之封王事在咸豐九年，而封王前——咸豐八年七月丙申勝保奏摺已稱其爲李秀成，摺云：「髮逆李秀成大股復踞和州」見咸豐「東華續錄」卷八一。是秀成改名，當非始于封王之時，或仍在前耳。

其弟李明成，於「太平天國辛酉十一年（咸豐十一年）封耐天義，突圍出走，乙好十五年，



(同治四年)夏和康王汪海洋進攻廣東嘉應州，其後事不詳。(見「自傳箋證」頁一四七)。

是年洪秀全，(原名仁坤，又名火秀，建號後又稱「洪日」)廣東花縣人，生于嘉慶十八年十二月初十日)十一歲。

洪仁玕，(廣東花縣人，生于道光二年)兩歲。

曾國藩，(字滌生，又字伯涵，湖南湘鄉人，生于嘉慶十六年)十三歲。

胡林翼，(湖南益陽人，生于嘉慶十七年)十二歲。

左宗棠，(字季高，湖南湘陰人生于嘉慶十七年)十二歲。

江忠源，(字岷樵，湖南新寧人生于嘉慶十八年)十一歲。

李鴻章，(字少荃，安徽合肥人生于本年正月)一歲。

道光四年甲申  
太平天國起義前二十七年  
西元一八一四年二歲

居新旺村。

是年八月二十日，曾國荃生，國荃字沅浦，湖南湘鄉人，曾國藩之胞弟也。

道光八年戊子 太平天國起義前二十三年 六歲  
西元一八一八年

居新旺村。

是年洪秀全年十六歲，始赴廣州應府試，不第（見簡又文譯韓山文著「太平天國起義記」——以下簡稱「起義記」——第三節）。

道光十年庚寅 太平天國起義前二十一年 八歲  
西元一八三〇年

始隨其舅讀書。

「親供」云：「自幼時八、九、十歲之間，隨舅父讀書」。是年，洪秀全年十八，于其本村開館授徒（見「起義記」第二節）。

石達開生，廣西貴縣人。

道光十一年辛卯  
太平天國起義前二十年九歲  
西元一八三一年

繼續隨舅讀書。

八月，清諭各督撫慎選州縣，查辦災賑，並緝拿會匪。

道光十二年壬辰  
太平天國起義前十九年十歲  
西元一八三二年

仍隨其舅讀書。

是年八月十日，英教士馬禮遜報告，中國教徒梁發（署名學善）之「勸世良言」出版。  
先是，英教士馬禮遜博士，早即傳基督教之改正宗于廣州，其所代表之團體為「倫敦傳教會

」，故其在粵所創立之教會命名曰「倫敦會」——即今粵東中華基督教會基本團體之一也。博士努力傳教，聘請華人爲助手，以翻譯聖經及編譯布道小冊與神學書籍多種。梁發者，粵東高明人，俗稱阿發，筆名學善，爲全中國受洗禮爲基督徒之第二人（第一人爲蔡高），而受基督教會選立爲華人牧師之第一人。此時，彼已應聘，助馬博士布道及編譯。梁之爲人，對於傳教事業至具熱忱，尤努力于文字傳道工作，嘗編著布道叢書共五種，「勸世良言」即其中之一也（見簡又文「太平天國全史」——以下簡稱「全史」——頁二〇—二一），此書凡九篇，篇各成冊，每篇（冊）約五十頁，咸由其親爲編著，並插引聖經原文，由馬博士修改潤飾，而付印于馬六甲。全書目錄總題如下：卷一真詮救世文，卷二崇真闢邪論，卷三真經聖理，卷四聖經集解，卷五聖經集論，卷六熟學真理論，卷七安危獲福論，卷八真經格言，卷九古經執要（見「起義記」第四節）。

道光十二年癸巳

太平天國起義前十八年十一月十一歲  
西元一八三三年

因家貧始輟學，「種地耕山，幫工各塾」。

「親供」云：「孤寒無食，種地耕山，幫工就食……家貧不能多讀，幫工各塾」。九月，四川夷亂平，提督楊芳晉封爲一等果勇侯。

道光十六年丙申 太平天國起義前十五年 十四歲  
西元一八三六年

于鄉「種地耕山，幫工就食」。

是年，洪秀全年二十四歲，再赴廣州應試，仍不第，得基督徒梁發之「勸世良言」小冊而歸。

「丙申年在廣府應試，逢一異人，着大袖衣，梳髻（據簡又文氏考證或卽美籍傳教士施迪芬，見簡著「太平天國典制通考」——以下簡稱「典制通考」——頁一五九四——一六一四「注釋」贈書與洪氏之兩人是誰？）傳書一部，名曰「勸世良言」（見「洪秀全來歷」）。

道光十七年丁酉 太平天國起義前十四年 十五歲  
西元一八三七年

仍在鄉「耕地種山，幫工就食」。

是年，洪秀全年二十五歲，第三次赴廣州應試，又不第，悲憤成疾，即行返里——花縣。

韓山文謂秀全于是年落第得病，雇轎還鄉（案：洪仁玕云是坐船回里）（見「近代史資料叢刊」「太平天國」（二）洪仁玕自述——以下簡稱「洪仁玕自述」），抵家後，即臥床不起。病勢日重連得奇夢，並謂天使接之昇天云云，約經四十餘日始告痊癒。病後，據其自言，曾昇天見上帝，上帝封之爲王，並命逐妖，天父並賜「天王大道君王全」七字，乃更今名——秀全（原名火秀）（見「起義記」第三節。）

道光二十三年癸卯 太平天國起義前八年二十一歲  
西元一八四三年

秀成十六歲以後無事可考至是年仍于鄉「耕地種山，幫工就食」。

是年，洪秀全三十一歲，第四次赴廣州應試，復不第。

此次落第返里後，氣憤填胸，怨恨謾罵，擲棄所有書籍，憤然怒吼曰：「等我自己來開科取天下之士罷！」而革命之念始決。（見簡又文著「金田之遊」）。

五月，洪秀全詳讀「勸世良言」，頓有所悟。

先是，秀全携書返家後，並未細閱，本年，秀全館于離本鄉約三十里許之蓮花塘其中表李敬芳家，一日，李參觀其書櫃，偶見「勸世良言」，借而閱之，即謂斯書內容大異于中國經書，頗堪一讀，秀全乃細心潛讀，覺其中所述與丁酉年病中昇天所見幾完全相符。遂大澈大悟，即自行洗禮，去塾中之孔子像，以示皈依上帝，掃除偶像（見「起義記」第四節）。

按秀全得病上天，太平天國各記載皆言爲道光十七年丁酉三月初一日，簡又文太平天國全史均從其說。惟蕭一山先生著清代通史云：「得病及異夢事，太平官刊書及洪仁玕自述均言爲道光

十七年，應極可靠，實則不然。據太平叛黨志爲道光二十三年，因是年秀全仍赴廣州應考，歸而始病。非得勸世良言之歲也。……若十七年卽有異夢，何能遲至六年之久，方告其親密之二友以皈依上帝乎？……若得夢在先，對書在後，又何能知其爲上帝耶穌，而必待六年後始互相印證耶？』此說較合理，故蕭先生謂此似於建國後故意牽合得書未閱卽上天堂而使人信其夢爲真耳。

六月十日，洪秀全自蓮花塘返抵官祿埭，宣傳教義，馮雲山及其從弟洪仁玕信之，並受洗禮（見「起義記」第五節）。

道光二十四年甲辰 太平天國起義前七年  
西元一八四四年 二十二歲

繼續于鄉「耕地種山，幫工就食」。

二月，洪秀全偕馮雲山往廣東省城，及順德等地並遠赴徭區傳教。

三月，秀全等自順德返，至蔡江，決定前往廣西。

「數日，乃出珊到蔡江，主曰：『現今不若到廣西也』，由蔡江到珊逕……到藤縣，由藤縣（按卽秀成故鄉）到大武……到蒙圩……到廣西潯州貴縣賜谷村黃盛均表兄家下」（見「太平天



日」。

八月，雲山至桂平。

先是，秀全以其表兄並非富有之家，恐無力長久負擔彼等之生活，乃遣雲山先行返鄉，惟雲山立意專心傳教不欲東返，至潯州附近，偶遇素所相識之工人數名，乃隨之至桂平紫荆山，先寓張家，既轉至曾玉珍家授徒。由是，雲山留紫荆山一帶，前後數年，廣傳教義，成績卓著，卒成「拜上帝會」（見「起義記」第六節）。

十月，秀全返抵廣東花縣本鄉。

自雲山行後，秀全意其約已返粵，秀全續留黃宅一月，亦自行返鄉，迨抵原籍後，始悉雲山未歸。雲山之母妻，以雲山之未同返鄉，且消息杳然，行止未明，乃大爲不悅（見「起義記」第七節）。

道光二十五年乙巳

太平天國起義前六年  
西元一八四五年 二十三歲。

仍于其鄉「耕地種山，幫工就食」。